



Broj: 01-50-1-15-31/16

Sarajevo, 15.6.2016.

DOM NARODA
PARLAMENTARNE SKUPŠTINE
BOSNE I HERCEGOVINE

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 16-06-2016			
Organizaciona jedinica	Klasifikaciona oznaka	Redni broj	Broj priloga

B

Predmet: O b a v j e š t e n j e

Predstavnički dom Parlamentarne skupštine BiH je na 31. sjednici, održanoj 15.6.2016., razmatrao sljedeće tačke dnevnog reda:

1. Zahtjev Vijeća ministara BiH za razmatranje Prijedloga zakona o izmjenama i dopunama Zakona o sprečavanju pranja novca i finansiranja terorističkih aktivnosti po hitnom postupku, zakon broj: 01,02-02-1-1567/16, od 27.5.2016.;
2. Prijedlog zakona o kontroli vanjskotrgovinskog prometa robe dvojne namjene, predlažać: Vijeće ministara BiH, zakon broj: 01,02-02-1-748/16, od 4.3.2016. (drugo čitanje);
3. Prijedlog zakona o kontroli vanjskotrgovinskog prometa oružja, vojne opreme i robe posebne namjene, predlažać: Vijeće ministara BiH, zakon broj: 01,02-02-1-752/16, od 4. 3. 2016. (drugo čitanje);
4. Prijedlog zakona o izmjenama i dopunama Zakona o sportu u Bosni i Hercegovini, predlažać: poslanica Maja Gasal-Vražalica, zakon broj: 01-02-1-742/16, od 3.3.2016. (drugo čitanje);
5. Izjašnjavanje Predstavničkog doma o utvrđivanju novog roka za dostavljanje izvještaja o Prijedlogu zakona o dopunama Zakona o parničnom postupku pred Sudom BiH, predlažać: Vijeće ministara BiH, zakon broj: 01,02-02-1-609/16, od 18.3.2016.;
6. Prijedlog okvirnog zakona o liječenju neplodnosti biomedicinski potpomognutom oplodnjom, predlažać: Komisija za ostvarivanje ravnopravnosti spolova, zakon broj: 01-02-1-882/16, od 17.3.2016., s Mišljenjem Ustavnopravne komisije;
7. Prijedlog zakona o dopunama Zakona o javnim nabavkama, predlažać: poslanik Damir Bećirović, zakon broj: 01-02-1-1303/16, od 4.5.2016., s Mišljenjem Ustavnopravne komisije;
8. Prijedlog zakona o dopuni Zakona o Vijeću ministara Bosne i Hercegovine, predlažać: poslanik Damir Bećirović, zakon broj: 01-02-1-1304/16, od 4.5.2016., s Mišljenjem Ustavnopravne komisije;
9. Prijedlog zakona o izmjenama i dopunama Zakona o Javnom radiotelevizijskom sistemu Bosne i Hercegovine, predlažaći: poslanici Amir Fazlić i Mirsad Donlagić, zakon broj: 01-02-1-1417/16, od 13.5.2016. (prvo čitanje);

10. Izvještaj komisije Kolegija o nastojanju za postizanje saglasnosti o Prijedlogu zakona o izmjenama i dopunama Zakona o zabrani diskriminacije, predlagač: Vijeće ministara BiH, zakon broj: 01,02-02-1-341/16, od 4.3.2016. (zakon u drugom čitanju);
11. Imenovanje tri člana iz Predstavničkog doma u Zajedničku komisiju oba doma za postizanje identičnog teksta Zakona o izmjenama i dopunama Zakona o upravnom postupku (predlagač: Vijeće ministara BiH, zakon broj: 01,02-02-1-929/16, od 21.3.2016.);
12. Izvještaj komisije Kolegija o nastojanju za postizanje saglasnosti o Informaciji o radu Tužilaštva BiH za 2015. godinu, akt broj: 01-09-1205/16, od 21.4.2016.;
13. Izvještaj komisije Kolegija o nastojanju za postizanje saglasnosti o poslaničkoj inicijativi Denisa Bećirovića, podnesenoj 27.4.2016., koja glasi: „*Predstavnički dom PSBiH poziva nadležne organe Grada Mostara da u najkraćem roku ukinu neprimjerene nazive ulica u Mostaru koje nose imena zvaničnika fašističke NDH Mile Budaka, Jure Francetića, Ante Vokića i Mladena Lorkovića*“, akt broj: 01-50-1-1254/16;
14. Prijedlog odluke o razrješenju sekretara Zajedničke službe Sekretarijata Parlamentarne skupštine Bosne i Hercegovine, zbog promjene parlamentarne većine, predlagač: Kolegij Predstavničkog doma PSBiH, akt broj: 01-50-1-1384-1/16, od 14.6.2016.;
15. Prijedlog odluke o imenovanju sekretara Zajedničke službe Sekretarijata Parlamentarne skupštine Bosne i Hercegovine, predlagač: Kolegij Predstavničkog doma PSBiH, akt broj: 01-50-1-1384-2/16, od 14.6.2016.;
16. Davanje saglasnosti za ratifikaciju Sporazuma između Vijeća ministara BiH i Kabineta ministra Ukrajine o saradnji u borbi protiv kriminala, broj: 01,02-05-2-1420/16, od 16.5.2016. (odgođeno izjašnjavanje na 30. sjednici, održanoj 24.5.2016.).

Ad.1.

Predstavnički dom **usvojio je** Zahtjev Vijeća ministara BiH za razmatranje Prijedloga zakona o izmjenama i dopunama Zakona o sprečavanju pranja novca i finansiranja terorističkih aktivnosti po hitnom postupku, nakon čega **je usvojen** i Prijedlog zakona.

Ad.2.

Predstavnički dom **usvojio je u drugom čitanju** Prijedlog zakona o kontroli vanjskotrgovinskog prometa robe dvojne namjene. Time je usvojen i amandman sadržan u Izvještaju Zajedničke komisije za odbranu i sigurnost BiH, koji glasi:

Amandman I.

U Prijedlogu zakona o kontroli vanjskotrgovinskog prometa roba dvojne namjene član 31. mijenja se i glasi:

„Član 31.

(Prestanak važenja)

Danom stupanja na snagu ovog zakona prestaju važiti odredbe Zakona o kontroli vanjskotrgovinskog prometa roba i usluga od strateške važnosti za BiH („Službeni glasnik

BiH", broj 103/99) koje se primjenjuju na oblast kontrole vanjskotrgovinskog prometa robe dvojne namjene."

Ad.3.

Predstavnički dom *usvojio je u drugom čitanju* Prijedlog zakona o kontroli vanjskotrgovinskog prometa oružja, vojne opreme i robe posebne namjene. Time su usvojeni i amandmani sadržani u Izvještaju Zajedničke komisije za odbranu i sigurnost BiH koji glase:

Amandman I.

U članu 5. u tački a) Prijedloga zakona o kontroli vanjskotrgovinskog prometa oružja, vojne opreme i robe posebne namjene riječi: „Listi proizvoda“ zamjenjuju se riječima: „Listi robe“. Ostali tekst ostaje nepromijenjen.

Amandman II.

U članu 28. Prijedloga zakona u stavu (1) tačka b) mijenja se i glasi:
“ b) je prijedlog Komisije iz člana 11. stav (3) tačka c) da se zahtjev odbije;”

Amandman III.

U članu 40. Prijedloga zakona iza riječi: "Službeni glasnik BiH, broj 53/09", stavlja se zarez i dodaje broj: "47/14".

Amandman IV.

U Prijedlogu zakona član 41. mijenja se i glasi:

„Član 41.

(Prestanak važenja)

Danom stupanja na snagu ovog zakona prestaju važiti odredbe Zakona o kontroli vanjskotrgovinskog prometa roba i usluga od strateške važnosti za BiH („Službeni glasnik“, broj 103/99) koje se primjenjuju na oblast kontrole vanjskotrgovinskog prometa oružja, vojne opreme i robe posebne namjene.”

Ad.4.

Predstavnički dom *usvojio je u drugom čitanju* Prijedlog zakona o izmjenama i dopunama Zakona o sportu u Bosni i Hercegovini.

Ad.5.

Predstavnički dom *utvrdio je* novi rok Ustavnoj komisiji od **30 dana** za dostavljanje izvještaja o Prijedlogu zakona o dopunama Zakona o parničnom postupku pred Sudom BiH.

Ad.6.

Predstavnički dom *po drugi put nije usvojio* negativno mišljenje Ustavnopravne komisije o Prijedlogu okvirnog zakona o liječenju neplodnosti biomedicinski potpomognutom oplodnjom, čime je obustavljena zakonodavna procedura o ovom Prijedlogu zakona.

Ad.7.

Predstavnički dom *po drugi put nije usvojio* negativno mišljenje Ustavnopravne komisije o Prijedlogu zakona o dopunama Zakona o javnim nabavkama, čime je obustavljena zakonodavna procedura o ovom Prijedlogu zakona.

Ad.8.

Predstavnički dom *po drugi put nije usvojio* negativno mišljenje Ustavnopravne komisije o Prijedlogu zakona o dopuni Zakona o Vijeću ministara Bosne i Hercegovine, čime je obustavljena zakonodavna procedura o ovom Prijedlogu zakona.

Ad.9.

Prijedlog zakona o izmjenama i dopunama Zakona o Javnom radiotelevizijskom sistemu Bosne i Hercegovine nije dobio potrebnu entitetsku većinu, te će Kolegij Predstavničkog doma obaviti *naknadno usaglašavanje*.

Ad.10.

Predstavnički dom *usvojio je u drugom čitanju* Prijedlog zakona o izmjenama i dopunama Zakona o zabrani diskriminacije.

Ad.11.

Predstavnički dom *imenovao je poslanike* Senada Šepića, Dianu Zeleniku i Đorđu Krčmara u Zajedničku komisiju oba doma za postizanje identičnog teksta Zakona o izmjenama i dopunama Zakona o upravnom postupku.

Ad.12.

Predstavnički dom *primio je k znanju* Informaciju o radu Tužilaštva BiH za 2015. godinu.

Ad.13.

Predstavnički dom *usvojio je* poslaničku inicijativu Denisa Bećirovića.

Ad.14.

Predstavnički dom *usvojio je* Odluku o razrješenju sekretara Zajedničke službe Sekretarijata Parlamentarne skupštine Bosne i Hercegovine, donesenu zbog promjene parlamentarne većine.

Ad.15.

Predstavnički dom *usvojio je* Odluku o imenovanju sekretara Zajedničke službe Sekretarijata Parlamentarne skupštine Bosne i Hercegovine

Ad.16.

Predstavnički dom *dao je saglasnost za ratifikaciju* Sporazuma između Vijeća ministara BiH i Kabineta ministra Ukrajine o saradnji u borbi protiv kriminala.



PREDSJEDAVAJUĆI
PREDSTAVNIČKOG DOMA
Mladen Bosić

